



GF, GF, KG  
18 JULI 2008  
40  
VSL 20080 200166

# GRÆNT BÓKHALD 2007



## Yfirlýsing fyrirtækis

Stjórn Malbikunarstöðvarinnar Hlaðbæjar-Colas hf staðfestir upplýsingar þær sem fram koma í grænu bókhaldi Malbikunarstöðvarinnar Hlaðbæjar-Colas hf. Vegna framleiðsluleyndar hefur félagið valið að birta upplýsingar um hráefnanotkun sem vísitölur sbr. heimild í reglugerð nr. 851/2002 um grænt bókhald.

Hafnarfirði 20.06.08

Fyrir hönd stjórnar malbikunarstöðvarinnar Hlaðbæjar – Colas hf samkvæmt umboði

Sigþór Sigurðsson  
Framkvæmdastjóri

## Áritun endurskoðanda

Við höfum endurskoðað tölulegar upplýsingar í skýrslu um grænt bókhald fyrir Malbikunarstöðina Hlaðbæ-Colas hf. fyrir árið 2007 sbr. 10 gr. reglugerðar nr. 851/2002

Endurskoðunin felur í sér úrtakskannanir og athuganir á gögnum til að sannreyna tölulegar upplýsingar sem koma fram í græna bókhaldinu.  
Við teljum að endurskoðunin sé nægjanlega traustur grunnur til að byggja álit okkar á.

Það er álit okkar að tölulegar upplýsingar í grænu bókhaldi Malbikunarstöðvarinnar Hlaðbæjar – Colas hf. fyrir árið 2007 séu í samræmi við upplýsingar í fjárhagsbókhaldi þess.

Reykjavík 20.06.2008

PricewaterhouseCoopers hf.

Ómar H. Björnsson  
Löggiltur endurskoðandi

## Grænt bókhald 2007

### Um fyrirtækið

Malbikunarstöðin Hlaðbær-Colas hf. (MHC)  
Gullhella 1  
221 Hafnarfjörður

Sími: 565-2030  
Símbréf: 565-2038  
Netfang: [sigthor@colas.is](mailto:sigthor@colas.is)  
Vefsíða: [www.colas.is](http://www.colas.is)

Stjórn fyrirtækisins:  
Gunnlaugur Sigmundsson formaður  
Hans Oluf Krog  
Cristian Færch Jensen

Framkvæmdastjóri: Sigþór Sigurðsson, vélaverkfræðingur

Aðrir helstu starfsmenn:  
Guðbjörg Erna Guðmundsdóttir fjármálastjóri,  
Guðmundur Andrésson verkefnis- og deildarstjóri,  
Lars Peter Jensen verkefnis- og deildarstjóri með yfirumsjón með öryggis-, umhverfis- og gæðamálum,  
Guðmundur G. Gunnarsson yfirverkstjóri,  
Bragi Steingrímsson þjónustustjóri verkstæði,  
Steingrímur Bragason framleiðslustjóri malbikunarstöðva,  
Sigurður B. Björnsson framleiðslustjóri þunnbik & bikþeyta.

Malbikunarstöðin Hlaðbær-Colas hf (MHC) starfar á sviði malbiksframleiðslu og verktöku við vegagerð á Íslandi. Höfuðstöðvar fyrirtækisins eru í Hafnarfirði þar sem fyrirtækið rekur tvær malbikunarstöðvar og eina olíubirgðastöð ásamt því að vinnuflokkar fyrirtækisins hafa þar bækistöð. Á árinu 2007 hófst svo uppsetning nýrrar og fullkomnar verksmiðju að Gullhellu 1 sem tekin verður í notkun á árinu 2008 og mun þá framleiðsla leggjast af í eldri stöð. Framleiðslugeta nýrrar stöðvar verður tvöfalt meiri en eldri stöðvar eða um 240 tonn/klst. Ný verksmiðja verður með fullkomnum rykhreinsibúnaði sem uppfyllir kröfur Evrópusambandsins sem ekki hafa enn tekið gildi hér á landi.

Starfsemin skiptist í þrjú svið: **þjónustusvið**, þar sem heyra undir skrifstofa og verkstæði, **framleiðslusvið** þar sem malbikunarstöðvar og olíustöð fyrirtækisins eru reknar og **framkvæmdasvið** sem stýrir vinnuflokkum fyrirtæksins sem og rannsóknarstofu þar sem gæðaeftirlit heyrir undir.

Fjöldi starfsmanna er mjög breytilegur eftir árstíma en undanfarin ár hafa ársverk verið á bilinu 45-55. Fastráðnir starfsmenn eru um 30. Fjöldi starfsmanna á háannatíma yfir sumarið er 60-70. Velta fyrirtækisins árið 2007 var 1.827 milljónir.

### **Eignarhald**

Fyrirtækið er í eigu Colas Danmark A/S og Spedalsö sem er hluti af alþjóðakeðju Colas France, þannig er MHC hluti af alþjóðlegu neti Colas fyrirtækja.

### **Starfsleyfi**

Fyrirtækið hefur leyfi til að starfrækja malbikunarstöð með fasta staðsetningu á lóð fyrirtækisins að Hringhellu 6, Hafnarfirði og birgðastöð fyrir bik að Óseyrarbraut 16 Hafnarfirði. Leyfið er gefið út af Hollustuvernd ríkisins 21. september 2000 og gildir til 31. desember 2012. Einnig hefur verið gefið út starfsleyfi fyrir nýja stöð að Gullhellu 1 sem gildir til ársins 2020.

## **Framleiðsla malbiks**

### **Hráefni; bik og steinefni**

Fyrirtækið flytur inn stungubik (e:bitumen) með stungudýpt B-180 í tanka sína við Hafnarfjarðarhöfn. Bikið kemur í skipsförmum, venjulega 1000–1500 tonn hverju sinni í 6 til 8 ferðum á hverju ári. Birgðageta biks er 4000 tonn en bikið er flutt í dagtanka við malbikunarstöð með tankbílum, daglega yfir háannatímann, en geymslupláss þar er um 80 tonn.

Þá flytur fyrirtækið inn steinefni frá Noregi sem er skipað upp í Hafnarfjarðarhöfn og ekið á hráefnislager við malbikunarstöð (um 20-30 þús tonn á ári) Íslensk steinefni eru keypt af ýmsum birgjum og ekið daglega á hráefnislager (60-80 þús tonn á ári).

### **Framleiðsla**

Framleiðsla á malbiki fer þannig fram að mismunandi steinefnum er mokað af birgðasvæði í síló sem skammta steinefni í réttum hlutföllum á færiband. Steinefnin eru venjulega með 3-6% rakainnihald sem þarf að losna við. Færibönd flytja steinefnin að tromluþurrkara þar sem að þau eru hituð upp og þurrkuð (hituð upp í 180°C). Við þurrkunina er brennt skipagasolíu. Heitt loft sem ber með sér finnstu agnirnar úr steinefninu, ryk (e: filler), fer í gegnum pokasíur sem hreinsa loftið og rykinu er safnað og flutt í tanka þar sem það býður þess að vera blandað í malbikið. Það er því aðallega vatnsgufa sem berst út í loftið frá framleiðslunni.


Þurr og heit steinefnin flytjast því næst upp í blandara þar sem biki er blandað við þau úr dagtönkum (150°C) ásamt réttu magni af ryki. Í nokkrar tegundir malbiks er einnig blandað trefjum (endurunnar pappírstrefjar) og viðloðunarefni (Amín). Þegar malbikið er tilbúið er það flutt í geymslusíló með færibandí eða í vagni og geymist það 150-160°C heitt í sílóum áður en það er keyrt út á vörubílum.

## Framleiðsluferlið

Framleiðsluferlinu er skipt upp í 5 þrep:

- 1 Hráefni - steinefni keyrð inní stöðina
- 2 Þurrkun - steinefni þurrkuð
- 3 Hreinsun - loft hreinsað og ryki safnað
- 4 Blöndun - steinefni og biki blandað saman
- 5 Geymsla - malbik flutt í geymslusíló

Eftir geymslu er malbikið afgreitt á bíla sem aka því til vinnuflokka sem leggja malbikið niður og þjappa.



## Framleiðsla bikþeytu og þunnbiks

Í olíubirgðastöð fyrirtækisins að Óseyrarbraut 16 afgreiðir MHC þunnbik beint á bíla viðskiptavina sinna. Þunnbik er blanda af stungubiki og white spirit (venjulega 8-10%). Efnunum er blandað saman með beinni dælingu beint úr tönkum á hvern bíl fyrir sig.

MHC framleiðir einnig bikþeytu sem er blanda af stungubiki og vatni (venjulega 35-40%). Vatn er blandað með salti og saltsýru (til að fá rétt sýrustig) ásamt efnahvötum (e: emulgatorum). Því er næst þeytt saman við bik í sérstakri þeytukvörn og úr verður bikþeyta þar sem bikmólikúl fljóta í vatninu. Bikþeyta er ýmist framleidd beint á bíla eða millilageruð í tönkum

Bikþeyta er umhverfisvænt bindiefni til vegagerðar sem vonir standa til að geti leyst af hólmi þunnbik t.d. við klæðingar vega í framtíðinni.

## Umhverfis og öryggismál

Úr gæðakerfi MHC:

### **Stefna Hlaðbæjar-Colas hf í umhverfis og öryggismálum er sem hér segir:**

MHC vill vera þekkt í samféluginu sem góður vinnustaður með gott vinnuumhverfi og sem fyrirtæki sem vinnur góð og gagnleg verk í samræmi við lög og reglur í landinu.

MHC mun standa að sínum verkefnum á þann hátt að tekið sé tillit til heilsu og öryggis starfsmanna og þeirra er að verkefnum þess koma.

MHC mun takmarka eins og kostur er þá mengun og ónæði fyrir umhverfið sem fylgir starfsemi þess.

MHC ætlar að vera í fremstu röð í umhverfis- og öryggismálum og mun, þar sem við á, setja strangari reglur um eigin starfsemi en þær sem almennt gilda í samféluginu.

Yfirstjórn áformar að framfylgja þessari stefnu með því að:

- tryggja að þjálfun nýrra starfsmanna sé með þeim hætti að þeir verði upplýstir um skyldur sínar og ábyrgð og meðvitaðir um öryggismál á öllum sviðum starfseminnar.
- tryggja símenntun og þjálfun allra starfsmanna.
- taka upp skráningu á eftirlitsþáttum er varða starfsleyfi fyrirtæksins.
- taka upp skráningu á þeim aðgerðum sem fyrirtækið grípur til við losun mengandi efna og eftirliti með því
- setja sérstakar reglur um umhverfis og öryggismál þar sem það á við
- starfrækja umhverfis- og öryggisnefnd

Í þeirri starfsemi sem fyrirtækið tekur þátt í er það stefna þess að vera í hópi leiðandi fyrirtækja hvað varðar umhverfis og öryggismál. Hver aðgerð og hver starfsmaður á að stefna að því að umhverfið beri ekki skaða af starfseminni og fyllsta öryggis sé gætt.

## Umhverfisáhrif malbiksframleiðslu.

Umhverfisáhrifum af malbiksframleiðslu verður lýst hér í sömu röð og framleiðsluferlinu sem áður hefur verið lýst.

### 1 Hráefni

Steinefni er geymt í stórum haugum á lóð fyrirtækisins. Í þurru veðri og vindu getur blásið úr haugunum. Stungubikið er allt frá losun skips og þar til því er blandað í malbik í lokuðu rými. Stungubik er þyngsti hluti jarðolíu og sem slíkt úrgangurinn sem verður eftir þegar bensín, gasolía og annar léttari hluti jarðolíunnar hefur verið eimaður burtu. Stungubik er ekki fljótandi nema við hitastig hærra en 100°C og hefur ekki verið skilgreint sem mengandi efni og hefur m.a. mátt urða í landfyllingar.

### 2 Þurrkun - steinefni þurrkuð

Steinefnin eru þurrkuð með brennslu á skipagasolíu. Um það bil 8-10 lítra af olíu þarf að brenda við framleiðslu á einu tonni á malbiki. Við brunann myndast CO<sub>2</sub>, SO<sub>2</sub> & NO<sub>x</sub>. Brennarar malbikunarstöðvanna eru yfirlarar og stilltir einu sinni á ári og magn þessara efna í útblæstri mælt.

### 3 Hreinsun - loft hreinsað og ryki safnað

Við brennsluna fer mikil loft um steinefni sem tekur með sér ryk sem síðan er safnað úr loftinu í pokasíu. Rykið fer í lokuðu ferli inn í malbiksblönduna aftur. Heitt rakamettað loft berst út um skorstein. Reykurinn er að mestu vatnsgufa og er hvítur. Venjulega hverfur reykurinn eftir nokkrar sekúndur en getur verið meira áberandi við óvenjuleg veðurskilyrði. Skipt er um poka eftir skoðun á þeim á hverju vori og eftir þörfum við reglubundið eftirlit.

### 4 Blöndun - steinefni og biki blandað saman

Blöndun biks og steinefna fer fram í lokuðu rými í blandara og fer þaðan í malbikssíló. Trefjum og amfíni er einnig blandað í malbikið í lokuðu kerfi.

### 5 Geymsla

Malbik er geymt um 150-160°C heitt í einangruðum geymslusílóum. Við losun á vörubíla myndast lítilsháttar blár reykur (e:blue smoke) sem er uppgufun á biki í blöndunni. Rannsóknir hafa sýnt að vinna við malbikun og því að vera útsettur fyrir þessum reyk er ekki hættulegri en vinna við önnur störf og hefur m.a. ekki krabbameinsvaldandi virkni.

Önnur umhverfisáhrif eru hávaði frá vélarhlutum í verksmiðjum. Undanfarin ár hefur MHC unnið markvisst að því að draga úr hávaða frá verksmiðjum sínum.

M.a. hefur verið byggt yfir nokkuð af vélarhlutum, skipt um og tekin mun hljóðlátari brennari til þurrkunar og nú síðast skipt um drifrúllur í þurrktromlu og notaðar fiberrúllur í stað stárlúlla.

Við malbiksframleiðslu verður rýrnun á steinefnum þar sem ekki nýtist allt steinefni í tilbúið malbik. Við lok framleiðslu á hverjum degi verða eftir nokkur tonn sem ýmist eru hrein steinefni en hafa blandast saman eða að bik hefur verið blandað að hluta til í efnið. Þessum "úrgangi" er safnað í haug á lagersvæði fyrirtækisins og einu sinni á ári er efnið harpað upp á nýtt og flokkað í stærðarflokka og endurunnið og nýtt í malbik. Hluta af efninu er ekki hægt nýta í malbik og er ekið í jarðvegsfyllingar.

## Grænt bókhald

Hér á eftir er birt grænt bókhald fyrir malbikunarstöðina Hlaðbær-Colas hf. fyrir árið 2007. Tölulegar upplýsingar úr framleiðslu okkar byggja á grunnárinu 2003.

Grænt bókhald magntölur  
Umhverfisþáttur í starfsemi Hlaðbæjar - Colas hf  
Grunnár 2003 = 100

| Ár  | 2003 | 2004 | 2005 | 2006  | 2007  |
|---|------|------|------|-------|-------|
| <b>Malbiksframleiðsla(tonn)</b>             |      |      |      |       |       |
| Þar af Isl-hráefni                          | 100  | 126  | 154  | 183   | 186   |
| Þar af Erl-hráefni                          | 100  | 225  | 204  | 233   | 236   |
| <b>Leigustöð(tonn)</b>                      |      |      |      |       |       |
| Þar af Isl-hráefni                          |      | 100  | 83   | 98    |       |
| Þar af Erl-hráefni                          | 100  | 268  | 86   | 48    |       |
| <b>Stöðvar skipting framleiðsla(tonn)</b>   |      |      |      |       |       |
| Stöð 05                                     | 100  | 137  | 179  | 215   | 241   |
| Stöð 25                                     | 100  | 157  | 119  | 119   | 35    |
| Leigustöð                                   |      | 100  | 382  | 181   | 159   |
| <b>Biknotkun(tonn)</b>                      |      |      |      |       |       |
| Bikþeyta                                    | 100  | 101  | 131  | 146   | 67    |
| Bik í þunnibik                              | 100  | 130  | 127  | 138   | 114   |
| Bik SB180-Selt                              | 100  | 170  | 162  | 1.757 | 2.489 |
| Bik í Malbik                                | 100  | 129  | 159  | 179   | 181   |
| <b>Skipagasolia(lítrar)</b>                 |      |      |      |       |       |
| Samtals                                     | 100  | 131  | 150  | 178   | 194   |
| <b>Rafmagnsnotkun (kWh)</b>                 |      |      |      |       |       |
| Samtals                                     | 100  | 111  | 113  | 115   | 120   |
| <b>Steinefni innlend/erlend(tonn)</b>       |      |      |      |       |       |
| Innlend                                     | 100  | 126  | 160  | 181   | 196   |
| Erlend                                      | 100  | 217  | 211  | 248   | 283   |
| Samtals notkun steinefna/samkv.birgðarhaldi | 100  | 159  | 131  | 214   | 233   |
| Steinefni bein sala                         | 100  | 286  | 86   | 424   | 786   |
| <b>Hjálparefni</b>                          |      |      |      |       |       |
| Karacell(kilo)                              | 100  | 157  | 135  | 443   | 241   |
| Bayferrox                                   |      | 100  | 236  | 33    | 0     |
| SMA framleiðsla(tonn)                       | 100  | 143  | 121  | 371   | 227   |
| Karacell kilo/tonn-SMA                      | 100  | 110  | 111  | 120   | 106   |
| Wetfix(lítrar)                              | 100  | 87   | 115  | 100   | 126   |
| Malbik með Wetfix(tonn)                     | 100  | 187  | 221  | 244   | 250   |
| <b>Spillilölla(lítrar)</b>                  |      |      |      |       |       |
| Samtals lítrar teknir                       | 100  | 33   | 292  | 233   | 513   |
| Öfla lítrar/ tonn malbik                    | 100  | 22   | 175  | 119   | 258   |
| <b>Málmendurylnnsla (kiló)</b>              |      |      |      |       |       |
| Samtals málmur tekinn                       | 100  | 148  | 111  | 423   | 204   |
| <b>Úrgangur (kiló)</b>                      |      |      |      |       |       |
| Blandaður úrgangur                          | 100  | 119  | 140  | 224   | 280   |
| Grófur úrgangur                             | 100  | 116  | 198  | 418   | 623   |
| Timbur                                      | 100  | 199  | 113  | 62    | 0     |
| <b>Vatnsnotkun(m3)</b>                      |      |      |      |       |       |
| Notkun í m3(Hringhella 6)                   | 100  | 147  | 227  | 205   | 208   |